



**BEKOSTIGBAARHEIDSANALISE (moet voltooi word)**

**Afskrif van laaste 3 salarisstrookies moet verskaf word.**

**Getroud binne gemeenskap van goedere (moet voltooi word deur beide aansoeker en gade)**

	Aansoeker	Gade
<b>Maandelikse Inkomste</b>		
Bruto Salaris		
Ander Inkomste (spesifiseer asb.)		
<b>Totale Inkomste:</b>		

	Aansoeker	Gade
<b>Aftrekkings op salarisadvies:</b>		
Mediese fondse		
Pensioen / Voorsorgfondse		
PAYE		
WVF		
Ander		
<b>Subtotaal:</b>		
Netto Salaris		

	Aansoeker	Gade
<b>Maandelikse verpligtinge:</b>		
Verblyf Uitgawes		
Vervoerkoste		
Voedsel		
Onderriggelede		
Mediese-uitgawe		
Onderhoudsuitgawe		
Munisipalerekening		
Ander		
<b>Subtotaal:</b>		

	Maandelikse terugbetalings		Uitstaande bedrag
	Aansoeker	Gade	
<b>Rekening:</b>			
Voertuig Finansiering			
Persoonlikeleninge			
Kredietkaarte			
Verbandpaaiering			
Selfoonuitgawe			
Mikroleninge			
Sekuriteit			
Versekeringspaaiering			
Klere			
Algemene Kleinhandel			
<b>Subtotaal:</b>			
Min Verbandpaaiering			
<b>Beskikbare inkomste</b>			
<b>Pretorium Trust Kaart</b>			

**OPGAWE VAN BATES**

Vaste Eiendom:		
Voorstad	Markwaarde	Huidige balans

Roerende bates: bv. motorvoertuie, meubels	
	Markwaarde

**KREDIET EN BETALINGSGESKIEDENIS**

Het u gedurende die afgelope drie maande aansoek gedoen vir kredietbestuur of skuldberading of is u tans onder administrasie of skuldberading?  Ja  Nee

Het u tans 'n dispuut met 'n Kredietburo?  Ja  Nee

Die Kredietverskaffer sal by sy plek van besigheid, met betrekking tot die kategorie van geldleningstransaksies, 'n afskrif van die Terme en Voorwaardes hou en dit is ook beskikbaar by die webtuiste, [www.pretorium.co.za](http://www.pretorium.co.za).

**VOORUITBETALINGSFONDSE**

Vooruitbetalings teen 'n minimum van R25 per maand tot 'n maksimum van twee keer die maandelikse aankoopbeperking moet deur die lid gedoen word. Debiteur asseblief my rekening maandeliks met .

**VERLORE KAARTBESKERMING (opsioneel)**

Die lid bevestig dat hy bewus is dat Pretorium Trust 'n kaartbeveiligingsfonds aanbied ingeval 'n kaart verlore of gesteel raak en dat hy skriftelik moet aansoek doen vir die beskerming onder die kaartbeveiligingsfonds. In terme van Pretorium Trust se beskermingskema, aanvaar die lid dat hy teenoor Pretorium Trust aanspreeklik sal wees vir enige betalings wat deur Pretorium Trust gedoen is of wat Pretorium Trust verplig is om te doen ten opsigte van/ of voortspruitend uit enige gebruik van die kaart voordat Pretorium Trust redelikerwys in staat is om op te tree na aanleiding van die skriftelike bevestiging van die lid dat die kaart verlore of gesteel is.

Debiteur asseblief my Pretorium Trustrekening jaarliks met R\_\_\_\_\_ ( R12 per kaart) ten opsigte van al die kaarte wat op my rekening uitgereik is en plaas my naam op u lys van lede wat aan die aankoopkaartbeveiligingsfonds behoort.

Handtekening ..... Datum .....

**KOSTE VAN KREDIET**

<b>Lidmaatskapfooi:</b>	<b>R 10.00 eenmalig</b>
<b>Kaartfooi:</b>	
Koste per kaart	<b>R 90.00 per jaar</b>
Kaartbeveiliging	<b>R 12.00 per jaar per kaart (opsioneel)</b>
Kaartfooi by vervanging	<b>R 25.00</b>
<b>Betalings:</b> Die volgende kostes, indien van toepassing, sal verhaal word deur die Kredietverskaffer:	
Kontantbetalings by Pretorium Trust kantoor (fooi per R100.00)	<b>R 0.50</b>
Debiet / Kredietkaartbetalings by Pretorium Trust kantoor (fooi per R100.00)	<b>R1.50</b>
<b>Rentekoers:</b>	
<b>Ope rekening:</b> Enige bedrag wat nie op die betaaldatum (laaste werksdag van die maand) betaal is nie, sal vrygestel wees van rente, indien betaal is voor die 10 <sup>de</sup> van die daarop volgende maand, waarna dit rente sal dra teen 8% per jaar bo die prima uitleenkoers van banke en sal wissel saam met banke se prima uitleenkoers.	
<b>Begrotingsrekening:</b> Rente bereken teen die prima bankkoers plus 4%. Onderhewig daaraan dat indien bogenoemde rentekoerse ter eniger tyd die toepaslike maksimum voorgeskrewe rentekoers ingevolge die Nasionale Kredietwet sou oorskry, die toepaslike maksimum voorgeskrewe rentekoers sal geld.	
<b>Bonus:</b> U verbeur ook enige bonus waarop u as lid geregtig mag wees op enige bedrag wat nie betaal is op die 3 <sup>de</sup> van die maand opvolgend die maand waarop die rekening gelewer word.	
<b>Transaksiefooi</b> (per transaksie)	<b>R 1.00</b>
<b>Maandeliks:</b> Heffing op aankope: Alle aankope by die Shoprite / Checkers groep en die Pick n Pay groep	<b>0.70%</b>
<b>Adminfooi op brandstofaankope:</b> (geen bonus)	<b>1.75%</b>

**Bogenoemde kostes is onderhewig aan verandering**

**TERME EN VOORWAARDES:**

**1. OMSKRYWINGS EN INTERPRETASIE:**

- 1.1 Addisioneel tot die woorde en uitdrukkings omskryf in die ander klousules van hierdie ooreenkoms, het die volgende woorde en uitdrukkings, tensy die teendeel uit die konteks blyk, die betekenis hieronder uiteengesit en het verwante woorde en uitdrukkings ooreenstemmende betekenis:
  - 1.1.1 **Aansoek:** Die skriftelike aansoek vir 'n Pretorium Trust Aankoopkaart voltooi deur die Verbruiker.
  - 1.1.2 **Begrotingsrekening:** Die begrotingsrekening na verwys in klousule 9.5.
  - 1.1.3 **Betaaldatum:** Die datum waarop 'n betaling gemaak moet word soos meer volledig uiteengesit in klousule 2.
  - 1.1.4 **Handelsperiode:** Die periode wat begin op die 16de dag van 'n maand en eindig op die 15de dag van die daaropvolgende maand, of sodanige ander periode as wat die Kredietgewer van tyd tot tyd in sy diskresie mag bepaal.
  - 1.1.5 **Hoofskuld:** Die bedrag bereken in ooreenstemming met die bepalings van artikel 101(1a) van die Wet.
  - 1.1.6 **Kredietburo:** Die Kredietburo na verwys in klousule 7.3.
  - 1.1.7 **Kredietgewer:** Pretorium Trust (Koöperatief) Beperk van Ingersolweg 40, Lynnwood Glen, Pretoria.
  - 1.1.8 **Kredietperk:** Die maksimum bedrag wat die Verbruiker geregtig is om gedurende enige handelsperiode te spandeer soos uiteengesit in die kwotasie wat die Verbruiker aanvaar het.
  - 1.1.9 **Kwotasie:** Die kwotasie ingevolge die Wet uitgereik ten opsigte van die aansoek en hierdie Terme en Voorwaardes, en welke kwotasie by aanvaarding deel vorm van die ooreenkoms tussen die Kredietgewer en die Verbruiker. Sonder om afbreuk te doen aan enige van die ander bepalings sal dit geag word dat die Verbruiker die aansoek aanvaar het sodra die Verbruiker die Pretorium Trust Aankoopkaart gebruik.
  - 1.1.10 **Ooreenkoms:** Die ooreenkoms aangegaan by aanvaarding van die kwotasie deur die Verbruiker.
  - 1.1.11 **Pretorium Trust Aankoopkaart:** 'n Geldige elektroniese kaart deur die Kredietgewer aan die Verbruiker uitgereik ten opsigte van die aankope wat die Verbruiker ingevolge die bepalings van die ooreenkoms van Verskaffers sal maak, en "Kaart" het 'n ooreenstemmende betekenis.
  - 1.1.12 **Primakoers:** Die publiek gekwoteerde rentekoers per jaar (bereken op die daaglikse saldo en maandeliks terugwerkend saamgestel) van tyd tot tyd deur Absa Bank Beperk ("ABSA") gehou of oortrokke fasiliteit aan hul prima kliënte in die privaat sektor (soos gesertifiseer deur enige direkteur of bestuurder van ABSA, wie se aanstelling nie bewys hoef te word nie) en welke rentekoers sal dien as verwysingskoers vir doeleindes van artikel 103(4) van die Wet.
  - 1.1.13 **Rekening:** Die Verbruiker se Pretorium Trust rekening geopen na aanleiding van die Verbruiker se aansoek vir 'n Pretorium Trust Aankoopkaart.
  - 1.1.14 **Rentekoers:** Die wisselende rentekoers wat, in die geval van 'n ope rekening, gelykstaande sal wees aan ABSA se primakoers plus 8% en ten aansien van 'n begrotingsrekening gelykstaande sal wees aan ABSA se primakoers plus 4%, en wat ingevolge die bepalings van artikel 103(4) van die Wet sal wissel ooreenkomstig ABSA se primakoers: Onderhewig daaraan dat die rentekoers te alle tye dieselfde sal wees as die rentekoers wat die Kredietgewer toestaan ten aansien van soortgelyke kredietooreenkoms wat op die tersaaklike stadium uitgereik word.
  - 1.1.15 **Verbruiker:** Die persoon of entiteit wat vir die kredietfasiliteit aansoek doen en wat geregtig sal wees om die Pretorium Trust Aankoopkaart te gebruik vir aankope van die Verskaffers.
  - 1.1.16 **Verskaffer:** Enige Verskaffer van goedere en/of dienste met wie die Kredietgewer gekontrakteer het as 'n aangestelde verskaffer aan die Verbruiker.
  - 1.1.17 **Wet:** Die Nasionale Kredietwet, No. 34 van 2005 en, waar van toepassing, die Regulasies daarkragtens uitgevaardig.
- 1.2 In hierdie ooreenkoms:
  - 1.2.1 Is die opskrifte slegs vir doeleindes van gerief ingevoeg en sal dit nie in aanmerking geneem word by die interpretasie van die ooreenkoms nie;
  - 1.2.2 Tensy die teendeel duidelik uit die konteks blyk sluit:
    - 1.2.2.1 woorde van een geslag die ander geslagte in;
    - 1.2.2.2 'n natuurlike persoon 'n regs persoon in;
    - 1.2.2.3 die enkelvoud die meervoud in en omgekeerd.
- 1.3 Woorde en uitdrukkings wat nie in die ooreenkoms omskryf is nie het, tensy die teendeel uit die konteks blyk, die betekenis in die Wet daaraan toegeskryf.
- 1.4 Indien 'n bepaalde aantal besigheidsdae voorgeskryf is tussen 2 gebeurtenisse sal die aantal dae bereken word met:
  - 1.4.1 Uitsluiting van die dag waarop die eerste gebeurtenis plaasvind; en
  - 1.4.2 Insluiting van die dag waarop die tweede gebeurtenis plaasvind of moet plaasvind; en
  - 1.4.3 Uitsluiting van enige openbare vakansiedag, Saterdag of Sondag wat op of tussen die dae na verwys in klousules 1.4.1 en 1.4.2 val.

**2. BETALINGS:**

- 2.1 Die Verbruiker is verplig om die volle verskuldigde bedrag op die laaste besigheidsdag van elke kalendermaand te betaal, met ingang van die laaste besigheidsdag van die eerste maand waartydens die Verbruiker sy Kaart(e) ontvang en daarna op die laaste besigheidsdag van elke kalendermaand terwyl die ooreenkoms van krag is en vir solank as 'n bedrag deur die Verbruiker aan die Kredietgewer verskuldig is.
- 2.2 Indien die Verbruiker sy Kaart na die 15de dag van 'n bepaalde maand ontvang sal aankope daarna gemaak eers betaalbaar wees op die laaste besigheidsdag van die daaropvolgende kalendermaand.

**3. REKENINGSTAAT:**

- 3.1 Die Kredietgewer sal maandeliks per pos of per e-pos, soos per die versoek van die Verbruiker, 'n rekeningstaat aan die Verbruiker lewer.

**Paraf - Aansoeker:**  
**Gade:**

- 3.2 Die Verbruiker is verplig om te verseker dat hy die maandelikse rekeningstate ontvang en, indien nie, is die Verbruiker verplig om die Kredietgewer skriftelik dienoreenkostig in kennis te stel. Die Verbruiker sal nie geregtig wees om nie die bedrag verskuldig te betaal indien die Verbruiker vanweë welke rede ookal nie 'n maandelikse rekeningstaat ontvang nie.
- 3.3 Indien die Verbruiker die Kredietgewer so betaal deur 'n tjeëk of posorder per pos te stuur dra die Verbruiker alle risiko ten aansien van sodanige versending, met insluiting van sonder beperking, die risiko's ten aansien van bedrog, diefstal of verlies van die tjeëk of posorder, ongeag of dit veroorsaak is deur die nalatigheid van die Kredietgewer of enige van sy werknemers.
- 3.4 Die Verbruiker is verplig om sy maandelikse rekeningstaat na te gaan ten einde te kontroleer dat dit korrek is. Indien die Verbruiker enige item of inskrywing op die maandelikse rekeningstaat sou betwis moet die Verbruiker die Kredietgewer binne 30 dae vanaf die datum van die rekeningstaat dienoreenkostig in kennis stel ten einde die Kredietgewer in staat te stel om die beswaar te ondersoek, om die tersaaklike dokumente met betrekking tot die inskrywing in dispuut te verkry en om sodanige navrae as wat nodig mag wees te doen.
- 3.5 Die Verbruiker is verplig om alle bedrae verskuldig ingevolge hierdie ooreenkoms stiptelik op die opeisbaarheidsdatums te betaal, vry van enige bank of wisselkoste of ander heffings, by die Kredietgewer se plek van besigheid te Ingersolweg 40, Lynnwood Glen, Pretoria of op sodanige ander plek of in sodanige ander rekening as wat die Kredietgewer van tyd tot tyd skriftelik mag aanwys.
- 3.6 Alle betalings ingevolge hierdie ooreenkoms sal in Suid-Afrikaanse valuta gemaak word, sonder enige skuldvergelijking of aftrekkings van enige aard. Indien reëlings getref is om die maandelikse paaiement by wyse van 'n debietorder of 'n outomatiese betalingsorder te betaal sal dit nie op enige wyse afstand doen van die Verbruiker se verpligting om elke betaling voor of op die opeisbaarheidsdatum te maaknie.
- 4. KOSTE, RENTE EN ANDER GELDE:**
- 4.1 Rente sal teen die rentekoers gehê word op alle bedrae opeisbaar en betaalbaar.
- 4.2 Addisioneel tot die rente na verwys in klousule 4.1 sal die Verbruiker, indien hy in gebreke is om enige bedrag verskuldig aan die Kredietgewer op die betaaldatum te betaal, ook die volgende bedrae aan die Kredietgewer betaal:
- 4.2.1 Administrasiekoste ten aansien van die versium soos van tyd tot tyd deur die Kredietgewer bepaal ten einde die administrasiekoste aangegaan deur die Kredietgewer as gevolg van verbruikers se versium om 'n verpligting ingevolge die ooreenkoms na te kom te dek. Die volgende administrasiekoste word op die ondertekeningdatum van hierdie ooreenkoms gehê:
- Onbetaalde debietorder of tjeëk R20.00
- 4.2.2 Invorderingskoste gehê deur die Kredietgewer ten aansien van die afdwinging van die Verbruiker se geldelike verpligting ingevolge hierdie ooreenkoms (uitgesonder administrasiekoste ten aansien van die versium na verwys in klousule 4.2.1)
- Onderhewig daaraan dat sodanige administrasiekoste en invorderingskommissie nie die maksimum van tyd tot tyd ingevolge die Wet voorskryf oorskrif nie. In die geval van 'n oorskryding sal die administrasiekoste en invorderingskommissie beperk word tot die maksimum op daardie stadium ingevolge die Wet toelaatbaar.
- 4.3 Sonder om afbreuk te doen aan enige van die Kredietgewer se ander regte of remedies ten aansien van enige handeling of versium van die Verbruiker, is die Verbruiker aanspreeklik om rente teen die rentekoers na verwys in klousule 4.1 te betaal op enige gelde, koste op ander heffings wat nie voor of op die opeisbaarheidsdatum betaal is nie.
- 4.4 Die Verbruiker sal verder aanspreeklik wees vir alle regskoste aangegaan deur die Kredietgewer ten einde sy regte ingevolge hierdie ooreenkoms af te dwing, welke regskoste sonder beperking sal insluit, koste op die skaal soos tussen prokureur-en-eie-kliënt, advokaatsgelde, opsporingskoste en invorderingskommissie.
- 4.5 In soverre die Verbruiker verplig is om enige koste, gelde of uitgawes ingevolge hierdie ooreenkoms te betaal of om die Kredietgewer ten aansien daarvan te vergoed, kom die partye ooreen dat sodanige verpligting van die Verbruiker waar van toepassing ook die verpligting om Belasting op Toegevoegde Waarde ingevolge die Wet op Belasting op Toegevoegde Waarde, No. 89 van 1991 daarop te betaal sal insluit.
- 5. VROE&BETALING EN VERBRUIKER SE REG OM TE BE&INDIG:**
- Die Verbruiker is geregtig om hierdie ooreenkoms te enige tyd te beëindig deur, met of sonder enige vooraf kennisgewing aan die Kredietgewer, die volle verskuldigde bedrag te betaal. Die bedrag wat betaal moet word ten einde hierdie ooreenkoms ten volle af te los is die totale onbetaalde balans van die hoofskuld op die tersaaklike datum sowel as enige onbetaalde rente en alle gelde en heffings betaalbaar deur die Verbruiker aan die Kredietgewer op sodanige aflissingsdatum.
- 6. VERMINDERING VAN DIE KREDIETPERK ONDER DIE KREDIETFASILITEIT:**
- Die Verbruiker kan te enige tyd met skriftelike kennisgewing aan die Kredietgewer vereis dat die Kredietgewer die kredietperk verminder.
- 7. KREDIETBURO INLIGTING:**
- 7.1 Die Kredietgewer stel die Verbruiker hiermee in kennis dat die Kredietgewer inligting ten aansien van Verbruikers-krediet aan 'n Kredietburo verskaf en in die verband:
- 7.1.1 Magtig die Verbruiker die Kredietgewer om besonderhede ten aansien van die aansoek, die sluiting van die ooreenkoms en die beëindiging daarvan aan die Kredietburo te verskaf;
- 7.1.2 Erken die Verbruiker dat hy bewus is dat inligting betreffende enige nie-nakoming deur hom van hierdie ooreenkoms aan die Kredietburo verskaf sal word;
- 7.1.3 Erken die Verbruiker verder dat die Kredietburo krediet-profiere en in sekere gevalle ook krediet-graderings betreffende die Verbruiker se kredietwaardigheid in ooreenstemming met die Verbruiker se kredietrekord aan die Kredietburo sal verskaf.
- 7.2 Die Verbruiker is geregtig om die Kredietburo te kontak om insae in sy kredietrekord te kry en daarop aan te dring dat enige onakkurate inligting reggestel word.
- 7.3 Die Kredietburo wat die Kredietgewer in kennis sal stel is Trans Union ITC wie gekontak kan word te: 7.3.1 Wommers Kantoorkamp, Corlettrylaan 52, Illovo, 2196  
7.3.2 Nummer van oproepsentrum: 0861 482 482.
- 7.4 Die Kredietgewer is ingevolge die bepaling van die Wet verplig om die Verbruiker in kennis te stel voordat enige nadelige inligting soos voorgeskrif betreffende die Verbruiker aan 'n Kredietburo gerapporteer word, en is verder verplig om op skriftelike versoek van die Verbruiker sodanige inligting aan die Verbruiker te verskaf.
- 7.5 Die Kredietburo verskaf 'n kredietprofiel en kredietstelling oor die Verbruiker en die Verbruiker se gade se kredietwaardigheid.
- 8. PRETORIUM TRUST AANKOOPKAART:**
- 8.1 Die Kredietgewer sal bedrae namens en ten behoeve van die Verbruiker betaal aan Verskaffers wat goedere aan die Verbruiker verkoop of dienste aan die Verbruiker gelewer het. Die Verbruiker onderneem om gemelde bedrae aan die Kredietgewer terug te betaal in ooreenstemming met hierdie Terme en Voorwaardes.
- 8.2 Die Kredietgewer sal 'n Kaart aan elke Verbruiker en sodanige genomineerdes van die Verbruiker waartoe die Kredietgewer in sy uitsluitlike diskresie mag toestem uitreik. Die Verbruiker is verplig om, onmiddellik nadat hy die Kaart ontvang het, sy handtekening op die toepaslike spasie met 'n balpunte pen te bring. Indien die Verbruiker nie die Kaart wil gebruik nie moet die Verbruiker die Kaart onmiddellik vernietig sonder om dit te gebruik en die Kredietgewer dienoreenkostig in kennis stel. Die Kaart kan slegs in die Suid-Afrikaanse monetêre gebied gebruik word.
- 8.3 'n Verbruiker is geregtig om, onderhewig aan die Terme en Voorwaardes hierin uiteengesit, die Kaart te gebruik asook op alle voordele van tyd tot tyd aangebied. Die Kaart kan slegs deur die natuurlike of regs persone wie se name daarop verskyn gebruik word.
- 8.4 Die Kredietgewer onderneem om betaling vir en ten behoeve van die Verbruiker te maak by ontvangs van 'n geldige eis van 'n Verskaffer. Die Verbruiker is verplig om 'n aankoopfaktuur of 'n terugbetalingsfaktuur, afhangend van die geval, te onderteken telkens wanneer die Verbruiker die Kaart gebruik of die Kaartnommer aan 'n Handelaar of Verskaffer verskaf. Deur ondertekening van die faktuur bevestig die Verbruiker dat die inligting daarop korrek is. Die Verbruiker bly aanspreeklik selfs indien hy nie die relevante faktuur onderteken het nie.
- 8.5 Die Verbruiker erken dat die Kaart te alle tye die eiendom van die Kredietgewer bly en dat hy verplig is om, indien daartoe versoek deur die Kredietgewer vanweë welke rede ookal, die Kaart aan die Kredietgewer terug te handig. Die Kaart is geldig vanaf die datum waarop dit uitgereik is of vanaf die eerste datum van die geldigheidstydperk soos aangedui op die Kaart, afhangend van die geval, tot die vervaldatum daarvan of totdat die Verbruiker se rekening vanweë welke rede ookal gesluit word.
- 8.6 Die Verbruiker onderneem om sy Kaart behoortlik op te pas wat insluit dat die Verbruiker die nodige stappe sal neem om te voorkom dat die Kaart verlore raak, gesteel of beskadig word of dat die Kaart onregmatig gebruik word.
- 8.7 In die geval van diefstal of verlies van die Kaart, of indien dit onder die Verbruiker se aandag kom dat die Kaart deur 'n ander persoon as die Verbruiker gebruik word, is die Verbruiker verplig om onmiddellik die agent van die Kredietgewer, naamlik Nedbank, te kontak by die Tolvyre nommer 0800 110 929.
- 8.8 Indien die Verbruiker aangesluit het by die Kaartbeskeringsfonds sal die Kredietgewer nie die Verbruiker aanspreeklik hou vir enige gebruik van 'n kredietfasiliteit nadat die Verbruiker die diefstal of verlies van die betrokke Kaart gerapporteer het nie, tensy:
- 8.8.1 Die Verbruiker se handtekening op die faktuur, verkoopbewys of ander rekord ten aansien van die gebruik van die kredietfasiliteit verskyn; of
- 8.8.2 Die Kredietgewer inligting het om te bewys dat die Verbruiker die transaksie gemagtig het of aanspreeklik is vir die spesifieke gebruik van die kredietfasiliteit.
- 8.9 Die Kredietgewer sal die Verbruiker in kennis stel van enige wysiging van die rentekoers en/of die koste ten aansien van hierdie ooreenkoms.
- 9. REGTE VAN DIE VERBRUIKER:**
- 9.1 'n Maandelikse kredietperk is aan die Verbruiker toegeken soos uiteengesit in die kwotasie wat verskaf is.
- 9.2 Die Verbruiker is geregtig om van tyd tot tyd 'n "lys van verskaffers" met die name van die Verskaffers met wie die Kredietgewer vir en ten behoeve van die Verbruikers gekontrakteer het aan te vra.
- 9.3 Die Verbruiker is geregtig om die Kaart aan Verskaffers te tender in die plek van betaling tot die maksimum bedrag beskikbaar binne die kredietperk en die Kredietgewer is verplig om, onderhewig aan die bepaling van hierdie Terme en Voorwaardes, betaling namens en ten behoeve van die Verbruiker aan die Verskaffers te maak.
- 9.4 Die Kredietgewer is nie verplig om betaling ten aansien van enige aankope deur die Verbruiker te maak aan enige handelaar wat nie 'n Verskaffer is soos in hierdie ooreenkoms omskryf is nie.
- 9.5 Die Verbruiker kan ook aansoek doen vir 'n begrotingsrekening met 'n verdere kredietperk addisioneel tot die kredietperk soos omskryf in klousule 1.1.7. Indien goedgekeur mag die totale bedrag verskuldig ingevolge die hoofskulde met betrekking tot aankope op die begrotingsrekening op geen stadium die maksimum kredietperk goedgekeur ten aansien van die begrotingsrekening oorskry nie. Die volgende voorwaardes geld ten aansien van die begrotingsrekening:
- 9.5.1 Die maksimum periode vir die terugbetaling van enige aankoop is 24 maande;
- 9.5.2 Geen transaksie van minder as R300.00 kan op die begrotingsrekening gedoen word nie;
- 9.5.3 Geen voedsel, drank of brandstof mag op die begrotingsrekening aangekoop word nie.
- 9.6 Die Verbruiker is geregtig om na 12 maande van lidmaatskap aansoek te doen om 'n lening en, indien goedgekeur, sal die Kredietgewer die Verbruiker toelaat om die uitstaande leningsbedrag oor 'n verlengde periode (maksimum 24 maande vaste rentekoers) terug te betaal.
- 9.7 Indien die Verbruiker in die geval van 'n aansoek vir of 'n begrotingsrekening of 'n persoonlike lening kwalifiseer en 'n nuwe ooreenkoms (te) met betrekking tot voorgaande met die Kredietgewer sluit, en die Verbruiker in gebreke sou bly om enige betaling ingevolge hierdie ooreenkoms, of ingevolge enige ander ooreenkoms met die Kredietgewer te maak, sal alle bedrae deur die Verbruiker ingevolge hierdie ooreenkoms, of ingevolge enige ander ooreenkoms, onmiddellik opeisbaar en betaalbaar word.
- 9.8 Die Verbruiker is, soos bepaal in klousule 5, geregtig om te enige tyd enige bedrag verskuldig aan die Kredietgewer ingevolge die ooreenkoms sonder enige kennisgewing of boete te betaal. Indien die Verbruiker meer as 1 rekening by die Kredietgewer het moet die Verbruiker duidelik tesame met die betaling stipuleer ten aansien van welke ooreenkoms hy die vooruitbetaling maak.
- 9.9 Indien die Verbruiker te enige tyd die kredietperk wil verhoog, moet die Verbruiker dienoreenkostig by die Kredietgewer aansoek doen. Die versoek vir 'n verhoging is addisioneel tot die outomatiese jaarlikse verhoging van die Verbruiker se kredietperk, wat die Kredietgewer in sy uitsluitlike diskresie mag toestaan, indien die Verbruiker aldus in die toepaslike spasie op die aansoekvorm aansoek gedoen het.
- 9.10 Indien die Verbruiker die Kredietgewer versoek om outomaties van tyd tot tyd sy kredietperk te verhoog, is die Kredietgewer geregtig om eensydig sodanige verhogings ingevolge die Wet toe te staan.
- 10. VERPLIGTING VAN DIE VERBRUIKER:**
- 10.1 Die Verbruiker onderneem om aan die Kredietgewer alle koste soos per die Terme en Voorwaardes en/of die kwotasie te betaal.
- 10.2 Die Verbruiker onderneem om aan die Kredietgewer te betaal alle bedrae deur die Kredietgewer aan Verskaffers betaal, ten aansien van alle aankope deur die Verbruiker, of enige ander persoon of entiteit soos omskryf in klousule 8.2, en welke bedrae die Verbruiker voor of op die opeisbaarheidsdatum soos aangedui op die maandelikse rekening per pos of per e-pos aan die Verbruiker gestuur betaal sal word. Die verpligting van die Verbruiker om betalings te maak is onvoorwaardelik en onherroeplik, ongeag of:
- 10.2.1 Die Verbruiker persoonlik of enige ander persoon die aankope deur die Kaart gedoen het; en/of
- 10.2.2 die bedrag aangedui ten aansien van sodanige aankoop korrek is aldan nie; en/of
- 10.2.3 daar 'n dispuut tussen die Verbruiker en die Verskaffer(s) ontstaan het; en/of
- 10.2.4 die Verskaffers geregtig is op betaling van 'n ander bron.
- 10.3 Die maandelikse rekening sal prima facta bewys van die Verbruiker se verskuldigheids teenoor die Kredietgewer ten aansien van die verkope daarstel, en die Verbruiker kom hiermee ooreen dat die onus om die teendeel te bewys op die Verbruiker rus.
- 10.4 Die Verbruiker waarborg en onderneem om nie die kredietperk ingevolge die kwotasie toegestaan te oorskry nie. In die mate wat die Wet van toepassing is op die ooreenkoms:
- 10.4.1 Is die Verbruiker nie geregtig om die kredietperk te oorskry nie, tensy die Verbruiker voor die transaksie die skriftelike toestemming van die Kredietgewer daartoe verkry het. Indien die Kredietgewer enige betalingsfaktuur ten aansien van 'n aankoop wat die toepaslike kredietperk oorskry sou betaal beteken dit nie dat die Kredietgewer die Verbruiker se kredietperk permanent verhoog het nie.
- 10.4.2 Indien die Verbruiker die toepaslike kredietperk soos oorskry sal dit 'n verbreking deur die Verbruiker van sy verpligting ingevolge hierdie ooreenkoms wees en sal alle bedrae deur die Verbruiker ingevolge hierdie ooreenkoms verskuldig onmiddellik en sonder verdere kennisgewing aan die Verbruiker opeisbaar en betaalbaar word.
- 10.5 Die Verbruiker is verplig om, tot beëindiging van die ooreenkoms, die Kredietgewer op die voorgeskrewe tyd, wyse en vorm van enige verandering van die Verbruiker se woon- of besigheidsadres in kennis te stel.
- 11. ALTERNATIEWE DISPUUTBEREGTING, NASIONALE KREDIETREGULEERDER EN TRIBUNAAL:**
- 11.1 Die Verbruiker is geregtig om:
- 11.1.1 Aansoek doen by 'n skuldberader dat hy as 'n oormatig-verskuldigde verklaar word; of
- 11.1.2 'n Klage by wyse van alternatiewe dispuutberegting op te los; of
- 11.1.3 'n Klage te lê by die Nasionale Kredietreguleerder; of
- 11.1.4 By die Tribunaal aansoek te doen onderhewig daaraan dat sodanige regte uitgeoefen moet word in ooreenstemming met die bepaling van die Wet.
- 11.2 Die Nasionale Kredietreguleerder kan gekontak word by:
- 11.2.1 Telefoonnommer: (011) 554 2600 of 0860 627 627
- 11.2.2 Faksnummer: (011) 805 4905
- 11.2.3 E-posadres: complaints@ncr.org.za
- 11.2.4 Straatadres: 15de Laan 127, Randjespark, Midrand
- 11.2.5 Posadres: Posbus 209, Halfweg Huis, 1685
- 11.2.6 Webtuiste: www.ncr.org.za
- 11.3 Die Nasionale Verbruikertribunaal kan gekontak word te:
- 11.3.1 Telefoonnommer: (012) 683 8140 / (012) 742 9900
- 11.3.2 Faksnummer: (012) 663 5693
- 11.3.3 E-posadres: registry@thenct.org.za
- 11.3.4 Straatadres: Groendivoor, Blok B, Lakefield Office Park, Westlaan 272, H/v Wes en Lenchen Noord, Centurion
- 11.3.5 Posadres: Privaatsak X110, Centurion, 0046
- 11.3.6 Webtuiste: www.thenct.org.za
- 12. AANSOEK VIR HERSIENING VAN SKULD:**
- 12.1 Sonder om op enige wyse afbreuk te doen aan die Kredietgewer se regte indien die Verbruiker in gebreke is met sy verpligting ingevolge die ooreenkoms, of om dit enigszins te beperk, word die Verbruiker se aandag gevestig op die bepaling van artikel 86 van die Wet ingevolge waarvan die Verbruiker in sekere omstandighede geregtig is om op die voorgeskrewe wyse en vorm by 'n Kredietraadgewer aansoek te doen om die Verbruiker as oormatig verskuldig te verklaar.
- 12.2 Die Verbruiker kan nie ingevolge die bepaling van artikel 86 van die Wet 'n aansoek ten aansien van hierdie ooreenkoms instel nie indien, ten tye van sodanige aansoek, die Kredietgewer reeds ingevolge klousule 11 van hierdie ooreenkoms stappe geneem het ten einde die ooreenkoms af te dwing nie, en die bepaling van artikel 86 gevolg nie in sodanige geval nie.
- 12.3 'n Kredietraadgewer wat 'n aansoek ingevolge artikel 86 van die Wet aanvaar het moet op die voorgeskrewe wyse en binne die voorgeskrewe tydperk bepaal of dit blyk dat die Verbruiker oormatig verskuldig is en, indien die Verbruiker aansoek gedoen het vir 'n verklaring van roekelose krediet-verlening, of die Verbruiker se kredietoreenkoms te roekeloos blyk aangegaan te wees.
- 12.4 Afhangend van die bevindings van die Kredietraadgewer kan die aansoek verwerp word, of kan aanbeveel word dat die Verbruiker en die onderskeie kredietgewers vrywillig 'n plan om die skuld te

- herskik oorweeg en daarop ooreenkom of, indien die Kredietraadgewer tot die gevolgtrekking sou kom dat die Verbruiker oormatig verskuldig is, kan hy 'n voorstel uitreik ingevolge waarvan aanbeveel word dat die Landdroshof 'n bevinding maak met betrekking tot die geskil betreffende roekelose krediet-verlening en enige plan van herskikking soos bepaal in artikel 86(7) van die Wet.
- 12.5 Indien die aanbeveling van 'n Kredietraadgewer aanvaar word deur die Verbruiker en elke kredietgewer word dit vervat in 'n bevel en, indien die Verbruiker en elke kredietgewer betrokke daartoe toestem, ingevolge die bepalings van artikel 138 van die Wet as 'n toestemmingsbevel by die Kredietraadgewer geliasseer.
- 12.6 Indien die Kredietraadgewer 'n aansoek ooreenkomstig die bepalings van artikel 86(7)(a) van die Wet verwerp kan die Verbruiker, met die verloop van die Landdroshof, direk by die Landdroshof aansoek doen, op die voorgeskrewe wyse en vorm, vir 'n bevel ooreenkomstig die bepalings van artikel 86(7)(c) van die Wet.
- 12.7 Die Kredietgewer kan, indien die Verbruiker in gebreke sou wees met sy verpligtinge ingevolge die ooreenkoms en die ooreenkoms ingevolge die bepalings van artikel 86 van die Wet hersien word, op die voorgeskrewe wyse aan die Verbruiker, die Kredietraadgewer en die Nasionale Kredietreguleerder na verwys in die Wet kennis van beëindiging van die hersiening gee. Sodanige kennisgewing kan gegee word te enige tyd na verloop van 60 besigheidsdae vanaf die datum waarop die Verbruiker aansoek gedoen het vir die hersiening van die skuld.
- Geen kredietverskaffer mag 'n aansoek om skuldher siening wat in terme van die Wet ingedien is terminer nie, indien die aansoek om hersiening reeds in 'n hof of by die Tribunal geliasseer is.
- 12.8 Indien die Kredietgewer kennis sou gee van beëindiging van die hersiening soos in die vooruitsig gestel in klousule 12.7, en sou voortgaan om die ooreenkoms ingevolge die bepalings van klousule 11 van die ooreenkoms af te dwing, kan die Landdroshof wat die aangeleentheid aanhoor gelas dat die hersiening van die skuld hervat word op sodanige voorwaardes as wat die Hof in die omstandighede billik mag ag.

**13. KENNISGEWING VEREIS VOORDAT SKULD AFGEDWING KAN WORD:**

- 13.1 Indien die Verbruiker in gebreke is met sy verpligtinge ingevolge hierdie ooreenkoms kan die Kredietgewer:
- 13.1.1 Die Verbruiker van die versium in kennis stel en voorstel dat die Verbruiker die ooreenkoms na 'n Kredietraadgewer, Alternatiewe Dispuutberegtingsagent of Verbruikershof verwys met die oogmerk dat die partye die dispuut ingevolge die ooreenkoms oplos, of op 'n plan ooreenkom om die betalings ingevolge die ooreenkoms op datum te bring, en in sodanige geval sal die Kredietgewer nie geregtig wees om enige stappe te neem ten einde hierdie ooreenkoms af te dwing alvorens sodanige kennisgewing gegee is nie.
- 13.1.2 Indien hierdie ooreenkoms ingevolge die bepalings van artikel 86 van die Wet hersien word, op die voorgeskrewe wyse aan die Verbruiker, die Skuldraadgewer en die Nasionale Kredietreguleerder na verstryking van die 60-besigheidsdae-period na verwys in klousule 12.7 kennis van beëindiging van die hersiening gee
- Onderhewig daaraan dat die bepalings van hierdie klousule 13.1 nie van toepassing sal wees in gevalle waar die ooreenkoms onderhewig is aan 'n skuldher skikkingsbevel of die onderwerp is van verrigtinge in 'n Hof wat sodanige bevel tot gevolg kan hê nie.
- 13.2 Die Kredietgewer sal slegs geregtig wees om by die Hof aansoek te doen vir 'n bevel om hierdie ooreenkoms af te dwing indien die Verbruiker op daardie stadium reeds vir 'n tydperk van 20 besigheidsdae in gebreke is met sy verpligtinge, en steeds in gebreke is, en:
- 13.2.1 Minstens 10 besigheidsdae verstryk het sedert die Kredietgewer 'n kennisgewing aan die Verbruiker afgelewer het ooreenkomstig die bepalings van klousule 13.1;
- 13.2.2 In die geval van 'n kennisgewing soos bepaal in klousule 13.1.1 die Verbruiker:
- 13.2.2.1 nie op die kennisgewing gereageer het nie; of
- 13.2.2.2 op die kennisgewing gereageer het deur die Kredietgewer se voorstel van die hand te wys.
- 13.3 In enige verrigtinge ingestel in 'n Hof ten aansien van hierdie ooreenkoms, niteenstaande enige ander bepalings in die reg of kontraktueel tot die teendeel, kan die Hof slegs die aangeleentheid bereg indien die Hof tevrede is dat:
- 13.3.1 Die verrigtinge in die vooruitsig gestel in artikels 127, 129 en 131 van die Wet in soverre dit van toepassing is nagekom is; en
- 13.3.2 Daar nie enige aangeleentheid voortspruitend uit die ooreenkoms voor die Nasionale Verbruikertribunaal ingestel kragtens artikel 26 van die Wet hangende is wat tot 'n bevel rakende die geskille deur die Hof bereg te word aanleiding kan gee nie; en
- 13.3.3 Indien die Kredietgewer nie die Hof genader het nie:
- 13.3.3.1 gedurende die tyd wat die aangeleentheid voor 'n Skuldraadgewer, Alternatiewe Dispuutberegtingsagent of Verbruikershof was nie; of
- 13.3.3.2 die niteenstaande die feit dat die Verbruiker
- 13.3.3.2.1 die goedere aan die Kredietgewer terugge-gehandig het, en voordat die goedere verkoop is;
- 13.3.3.2.2 op 'n voorstel ingevolge artikel 129(1)(a) van die Wet ooreengekom het en te goedertrou daardie ooreenkoms nagekom het;
- 13.3.3.2.3 die ooreengekome plan soos bepaal in artikel 129(1)(a) van die Wet nagekom het; of
- 13.3.3.2.4 sy betalings ingevolge hierdie ooreenkoms op datum gebring het soos bepaal in artikel 129(1)(a) van die Wet;
- 13.4 In enige verrigtinge soos bepaal in artikel 130 van die Hof, indien die Hof beslis dat:
- 13.4.1 Hierdie ooreenkoms op roekelose wyse aangegaan is soos bepaal in artikel 80 van die Wet, moet die Hof 'n bevel maak soos bepaal in artikel 83 van die Wet;
- 13.4.2 Die Kredietgewer nie die tersaaklike bepalings van die Wet, soos bepaal in artikel 130(3)(a) van die Wet, nagekom het nie, of die Hof genader het onder omstandighede soos bepaal in artikel 130(3)(c) van die Wet, moet die Hof:
- 13.4.2.1 die aangeleentheid uitstel; en
- 13.4.2.2 'n Toepaslike bevel maak wat die stappe uiteensit wat die Kredietgewer moet neem voordat die aangeleentheid voortgesit word;
- 13.4.3 Die ooreenkoms die onderwerp is van 'n hangende skuldher siening ingevolge die bepalings van Deel D van Hoofstuk IV van die Wet, mag die Hof:
- 13.4.3.1 die aangeleentheid uitstel hangende 'n finale beslissing van die skuldher sieningsverrigtinge;

- 13.4.3.2 die Kredietraadgewer gelas om direk aan die Hof verslag te doen, en daarna 'n bevel maak ooreenkomstig die bepalings van artikel 85(b) van die Wet; of
- 13.4.3.3 indien hierdie ooreenkoms die enigste kredietooreenkoms is waartoe die Verbruiker 'n party is, die Kredietraadgewer gelas om die skuldher sieningsverrigtinge te beëindig en 'n bevel maak soos bepaal in artikel 85(b) van die Wet;
- 13.4.4 Daar 'n aangeleentheid soort na verwys in klousule 13.3.2 ingevolge die bepalings van artikel 130(3)(b) van die Wet voor die Tribunal hangende is, mag die Hof:
- 13.4.4.1 die aangeleentheid uitstel hangende 'n beslissing van die verrigtinge voor die betrokke Tribunal; of
- 13.4.4.2 die Tribunal gelas om die verrigtinge uit te stel, en die aangeleentheid na die Hof verwys vir beslissing; of
- 13.4.5 Die ooreenkoms of opgekort is of onderworpe is aan 'n skuldher skikkingsbevel of ooreenkoms, en die Verbruiker die betrokke bevel of ooreenkoms nagekom het, kan die Hof die aangeleentheid afwys.

**14. BEÏNDIGING:**

- 14.1 Hierdie ooreenkoms duur, onderhewig aan die Terme en Voorwaardes, vir 'n onbepaalde periode voort en kan deur die Kredietgewer beëindig word onderhewig daaraan dat die Kredietgewer 10 besigheidsdae skriftelike kennisgewing van herroeping van die kredietfasiliteit aan die Verbruiker gegee het.
- 14.2 Indien die Verbruiker in gebreke sou bly om op aanvraag enige bedrag of bedrae verskuldig of opeisbaar deur die Kredietgewer te betaal, onderhewig aan voldoening deur die Kredietgewer aan die bepalings van klousule 13 in soverre dit van toepassing is, en verder onderhewig daaraan dat, indien klousule 13 van toepassing is, ten minste 10 besigheidsdae verstryk het sedert die Kredietgewer 'n kennisgewing aan die Verbruiker gelewer het soos in die vooruitsig gestel in klousule 13.1.1, en verder onderhewig daaraan dat dit deur die Wet gemagtig is:
- 14.2.1 Sal alle bedrae verskuldig aan of opeisbaar deur die Kredietgewer van die Verbruiker ingevolge hierdie ooreenkoms na keuse van die Kredietgewer onmiddellik sonder kennisgewing opeisbaar en betaalbaar wees; en/of
- 14.2.2 Sal die Kredietgewer geregtig wees om hierdie ooreenkoms te beëindig en skade te eis, onderhewig aan die Verbruiker se reg om te enige tyd voordat die Kredietgewer die ooreenkoms kanselleer die ooreenkoms her in te stel deur aan die Kredietgewer alle bedrae verskuldig en onbetaald, tesame met die Kredietgewer se toegelate administrasiekoste ten aansien van die versium en die redelike koste om die ooreenkoms af te dwing tot op die stadium van herinstelling, te betaal.

**15. ERKENNINGS, BEVESTIGINGS EN TOESTEMMING:**

- Die Verbruiker erken en verklaar dat:
- 15.1 By ondertekening hierdie ooreenkoms in alle opsigte voltooi was en dat alle inligting hierin vervat, met insluiting sonder beperking die Verbruiker se adresse en persoonlike besonderhede, waar en korrek is;
- 15.2 Dat hy alle vrae vir inligting deur die Kredietgewer met betrekking tot hierdie ooreenkoms waar en korrek beantwoord het;
- 15.3 Dat hy versoek het dat die ooreenkoms in Afrikaans moet wees en dat Afrikaans die amptelike taal is wat hy lees en verstaan;
- 15.4 Dat hy sonder inspanning die inhoud, belang en gevolge van die ooreenkoms verstaan;
- 15.5 Dat hy die risiko's en koste ten aansien van die ooreenkoms verstaan en begrip het daarvoor, asook ten aansien van sy regte en verpligtinge ingevolge die ooreenkoms.

**16. VERDERE ERKENNINGS DEUR DIE VERBRUIKER:**

- Die Verbruiker verklaar dat sy aandag gevestig is op die volgende en dat hy ten volle vertrou is met die bepalings daarvan:
- 16.1 Die Verbruiker se reg ingevolge artikel 121 van die Wet om 'n kredietooreenkoms aangegaan op 'n plek elders as die geregistreerde besigheidsplek van die Kredietgewer te beëindig; en
- 16.2 Die Verbruiker se reg om die ooreenkoms te beëindig deur:
- 16.2.1 Die goedere die onderwerp van die ooreenkoms ingevolge die bepalings van artikel 127 van die Wet aan die Kredietgewer terug te handig; en
- 16.2.2 Die balans uitstaande ingevolge die bepalings van artikel 127(7) van die Wet aan die Kredietgewer te betaal; en
- 16.3 Die Verbruiker se reg ingevolge die bepalings van artikel 125 van die Wet om die ooreenkoms te enige tyd af te los, met of sonder enige vooraf kennisgewing aan die Kredietgewer, soos meer volledig uiteengesit in klousules 5 en 9.8; en
- 16.4 Die Kredietgewer se reg om die ooreenkoms ingevolge die bepalings van klousule 123 te beëindig; en
- 16.5 Die Verbruiker se reg om te enige tyd enige bedrag ingevolge die ooreenkoms aan die Kredietgewer verskuldig ingevolge die bepalings van artikel 126 van die Wet aan die Kredietgewer terug te betaal; en
- 16.6 Die Verbruiker se reg om homself ingevolge die bepalings van artikel 86 van die Wet as oormatig verskuldig te laat verklaar soos meer volledig uiteengesit in klousule 12.

**17. ADRES VIR KENNISGEWINGS:**

- 17.1 Die Kredietgewer kies die adres op die aansoekvorm of kwotasie as die adres waar dit alle dokumente, pleitstukke en kennisgewings met betrekking tot hierdie ooreenkoms sal aanvaar.
- 17.2 Die Verbruiker kies die adres op die aansoekvorm of kwotasie, as die adres waar die Verbruiker alle dokumente, pleitstukke en kennisgewings wat met hierdie ooreenkoms sal aanvaar.
- 17.3 'n Party tot die ooreenkoms mag sy adres wysig deur 'n skriftelike kennisgewing van die nuwe adres aan die ander party te lewer per hand, geregistreerde pos of elektronies.

**18. JURISDIKSIE:**

- 18.1 Ingevolge die bepalings van artikel 45 van die Wet op Landdroshowe, No. 32 van 1944 en ter keuse van die Kredietgewer, kan enige eis voortspruitend uit hierdie ooreenkoms in 'n Landdroshof met jurisdiksie ingestel word, en die Verbruiker stem hiermee toe tot die jurisdiksie van die Landdroshof.
- 18.2 Die Kredietgewer is geregtig, onderhewig aan die bepalings van klousule 18.1, om enige eis in 'n Hof van hoër jurisdiksie in te stel, onderhewig daaraan dat die Landdroshof nie konkurrerende jurisdiksie het nie.

**19. VIR EN TEN BEHOEWE VAN REGSPERSONE:**

Indien die Verbruiker 'n beslote korporasie, 'n private of 'n publieke maatskappy of 'n trust is, waarborg die persoon wat die kwotasie namens en ten behoeve van sodanige entiteit aanvaar dat hy behoorlik gemagtig is om so te doen en aanvaar hy aanspreeklikheid vir die betaling van die bedrag verskuldig ingevolge die ooreenkoms as borg en mede-hoofskuldenaar van sodanige entiteit.

**20. ALGEMEEN:**

- 20.1 Die Verbruiker is nie geregtig om enige reg, hetsy in die geheel of gedeeltelik, te sedeer nie.
- 20.2 Die Kredietgewer is geregtig om te enige tyd, en van tyd tot tyd, sonder die Verbruiker se toestemming, sy regte, titel en belange in hierdie ooreenkoms te sedeer, te deleger en/of oor te dra.
- 20.3 Hierdie ooreenkoms is die gehele ooreenkoms tussen die partye met betrekking tot die onderwerp daarvan, en geen wysiging, byvoeging, verandering of ooreengekome kanselliasie sal van krag wees tensy dit op skrif gestel en deur die partye onderteken is nie.
- 20.4 Geen afstanddoening van enige van die terme en voorwaardes van hierdie ooreenkoms sal bindend of enigins van krag wees tensy dit op skrif gestel en deur die party wat daarvan afstand doen onderteken is nie, en enige sodanige wysiging sal slegs van krag wees met betrekking tot die spesifieke gebeurtenis of doel waarvoor dit verleen word.
- 20.5 Geen versium of nalate van enige party om enige reg, remedie of voorreg ingevolge hierdie ooreenkoms uit te oefen sal as 'n afstanddoening daarvan beskou word nie, en verdermeer sal enige uitoefening of gedeeltelike uitoefening van 'n reg, remedie of voorreg nie enige verdere uitoefening daarvan verhinder nie.

Applikant se handtekening .....

Eggenote se handtekening .....

(indien getroud binne gemeenskap van goedere)

Geteken te .....op hierdie .....dag van .....

**VIR KANTOORGEBRUIK:**

Uitgawe Normes	VERPLIGTE MAANDELIKSE UITGAWES	
Bruto Inkomste per maand	Bereken deur Krediet verskaffer soos per NCR voorskryf	Soos deur aansoeker verklaar

Beraamde bedrag beskikbaar vir Pretorium Trust aankope

R .....

Aansoek Goedgekeur  Aansoek Afgekeur

Aankooplimiet Goedgekeur R .....

Begroting Goedgekeur R .....

Bestuurder ..... Datum .....

Lidmaatskapnommer:

Aanvaar te Pretoria

